



Inatsisartunut ilaasortaq Naaja Nathanielsen, Inuit Ataqatigiit
Inatsisartut Allattoqarfiat

INDGÅET

19 MAR. 2015

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

19. marts 2015
Suliap nr. 2014-101284
All. Nr. 1904799

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Ineqarnermut tapiissutit pillugit § 37 naapertorlugu apeqquteqaammut nr. 72-imut akissuteqaat

Asasara Naaja H. Nathanielsen

Inatsisartut suleriaasianni § 37 naapertorlugu Ineqarnermut tapiissutit pillugit Naalakkersuisunut arlalinnik apeqquteqarputit. Apeqqutit uannut akineqartussanngorlugit ingerlateqqinneqarsimapput.

1. Ineqarnermut tapiissutit pillugit siunnersuummik Inatsisartut upernaakkut ataatsimiinneranni oqaluuserisassanngortitaminnik Naalakkersuisut tunuartitsinerannut suna peqquataava?

Inatsisissatut siunnersuut UPA 2015-imut ilanngunneqarpoq, ineqarnermut ataasiakkaanut qaffasissumik tapiissuteqartarnerup killilersimaarnissaanut inatsisitigut tunngavissiisoqarnissaa kissaatigineqarmat. Inatsisissatut siunnersuut nalunaarusiamut tassunga atasumut piumasaqaatinik aningaasartassaannullu killiliussassanik aalajangersaanissamut periarfissiissaaq.

Inissiani attartortittakkani ineqarnermut tapiissutit pillugit Inatsisartut inatsisissaattut siunnersuut Naalakkersuisunit tunuartinneqarpoq, suliniutip allap ilanngunneqarnissaa kissaateqarneq tunngavigalugu - tassalu ineqarnermut tapiissutit annertussusissaat siunissami innuttaasup isertitai tunngavigalugit naatsorsorneqartassasut.

2. Inatsisissatut siunnersuut Inatsisartunut saqqummiunneqartinnagu tusarniaaqqinnissaaq pilersaarutigineqarnerluni?


Aap. Inatsisissatut siunnersuut allannguutiniq qulaani oqaatigineqartunik imalik Inatsisartunut saqqummiussinissaaq pitinnagu tusarniaassutigineqarumaarpoq.

3. Ineqarnermut tapiissutit pillugit Inatsisissatut siunnersuutip kinguartinneqarnera aningaasanut inatsisissatut siunnersuutip suliarineqarneranut sunniuteqassava?

Inatsisip 2016-imi atuutilernissaa naatsorsuutigineqarpoq, Inatsisartut inatsisaanni ineqarnermut tapiissutit aningaasartassaannik isertitaasut tunngavigalugit

aalajangersaasarnissaq pillugu aalajangersakkat tamatuma kingorna pisortat
ineqarnermut tapiissutinut aningaasartuutigisartagaannik appartitsinissaat
naatsorsuutigineqarluni.

Inussiarnersumik inuulluaqqusilluta



Martha Lund Olsen